

## SAOPŠTENJE ZA JAVNOST

**- Privremena izmjena režima saobraćaja radi organizovanog dočeka 2017. godine -**

**Ministarstvo unutrašnjih poslova je zaprimilo Rješenje Ministarstva saobraćaja Kantona Sarajevo od 28.12.2017.godine kojim se odobrava privremena izmjena režima saobraćaja u ulici Maršala Tita (na dijelu od raskrsnice sa ulicom Alipašina do raskrsnice sa ulicom Fra Anđela Zvizdovića), ulici Zmaja od Bosne za smjer kretanja Bašćaršija - Ilidža (od raskrsnice sa ulicama Fra Anđela Zvizdovića do raskrsnice sa ulicom Halida Kajtaza - I trasferzala), ulici Zmaja od Bosne za smjer kretanja Ilidža - Bašćaršija, na dijelu (od spoja sa ulicom Hamdije Čemerlića do spoja sa ulicom Vrbanja, ulici Hiseta (od spoja sa ulicom Vrbanja do spoja sa ulicom Hamze Hume), ulici Vrbanja (od spoja sa ulicom Vilsonovo šetalište do spoja sa ulicom Hiseta), ulici Kotromanića, ulici Vilsonovo šetalište (od ulice Franje Račkog do ulice Vrbanja) i mostu Suade Dilberović - Olge Sučić, radi organizovanog dočeka 2017.godine na platou Parlamenta BiH u ulici Trg Bosne i Hercegovine, dana 30.12.2016.godine u terminu od 18,00 do 23,55 sati i od 18,00 sati 31.12.2016.godine do 06,00 sati dana 01.01.2017.godine.**

**I Privremena izmjena režima saobraćaja, dana 30.12.2016.godine u terminu od 18,00 sati do 23,55 sati, sastoji se od:**

**1. zabrana saobraćaja za motorna vozila, osim vozila iz člana 125. i 126. Zakona o osnovama sigurnosti prometa na cestama u Bosni i Hercegovini ("Sl. glasnik BiH" broj 6/06, 75/06, 44/07, 84/09, 48/10, 18/13), na dijelu ulice Zmaja od Bosne za smjer kretanja Ilidža - Bašćaršija i to od raskrsnice sa ulicom Franje Račkog do spoja sa ulicom Vrbanja, sa usmjeravanjem saobraćaja na alternativne pravce, radi održavanja generalne probe muzičkog dijela.**

**- dana 30.12.2016.godine u terminu od 18,00 do 23,00 sati u ulici Vilsonovo šetalište na dijelu od spoja sa ulicom Franje Račkog do spoja sa ulicom Vrbanja, privremeno uspostaviti jednosmjerni režim odvijanja saobraćaja - alternativni pravac,**

**- izmjenu režima saobraćaja organizator će provesti u saradnji sa nadležnim MUP-om Kantona Sarajevo,**

**- regulaciju toka saobraćaja na dijelu potpune obustave saobraćaja i raskrsnicama na kojima se saobraćaj usmjerava u alternativne pravce vršit će pripadnici MUP-a Kantona Sarajevo. Nakon utvrđenog vremenskog termina, odnosno stvaranja bezbjednih uslova za odvijanje saobraćaja, pripadnici MUP-a će nakon navedenog uspostaviti redovni režim saobraćaja.**

- Alternativni pravci za vrijeme izmjene režima saobraćaja:
- Zmaja od Bosne - Halida Kajtaza - Kranjčevićeva - Fra Anđela Zvizdovića - Zmaja od Bosne;
- Zmaja od Bosne - Franje Račkog - Vilsonovo šetalište - Vrbanja - Kotromanića - Hiseta - Obala Kulina Bana.

- Radi obezbjeđenja funkcionalne i bezbjedne obustave saobraćaja treba obezbjediti prisustvo redara, organizatora i policijskih službenika na sljedećim raskrscima:

- Zmaja od Bosne - Halida Kajtaza;
- Zmaja od Bosne - Franje Račkog;
- Franje Račkog - Vilsonovo šetalište;
- Vilsonovo šetalište - Vrbanja;
- Kotromanića - Hiseta;
- Maršala Tita - Fra Anđela Zvizdovića;
- Halida Kajtaza - Kranjčevićeva;
- Kranjčevićeva - Fra Anđela Zvizdovića.

- Prijevoznik KJKP "GRAS" će prilagoditi održavanje tramvajskog saobraćaja (u definisanom terminu tramvajski saobraćaj preusmjeriti na okretnicu željeznička stanica), kao i ostale vidove JGP, te izvršiti blagovremeno obavještanje putnika o nastaloj promjeni putem sredstava javnog informisanja kao i postavljanja obavijesti na terminalima.

**2. Zabrana saobraćaja za motorna vozila u krajnjoj lijevoj saobraćajnoj traci u ulici Zmaja od Bosne za smjer kretanja Bašćaršija - Ilidža i to od spoja sa ulicom Vrbanja u dužini "cca" 80 metara sa preusmjeravanjem saobraćaja na preostale- slobodne trake.**

- Za uspostavu gore navedenog režima saobraćaja, organizator je dužan postaviti sljedeću saobraćajnu signalizaciju i opremu;
- u ulici Zmaja od Bosne na spoju sa ulicom Vrbanja ispred mjesta preusmjerenja postaviti sljedeću saobraćajnu signalizaciju i opremu: dijagonalno usmjeren svjetlosni niz tabli "uspravne zabrane" (VIII-14 ili VIII-15), opremljene nizom žutih bljeskalica koje se naizmjenično pale i gase u smjeru vožnje, odnosno preusmjerenja saobraćaja u slobodne saobraćajne trake tzv "putovanje svjetla" (VIII-24) i saobraćajni znak "obavezno obilaženje" (II-61 ili II-62). Noću i u slučaju smanjene vidljivosti saobraćajnu signalizaciju opremiti žutim trepćućim svjetlima;
- duž zone izvođenja radova, a koja prati uzdužnu razdaljnu liniju naspram traka slobodnih za saobraćaj postaviti table "uspravne zabrana" (VIII-14 ili

**VIII-15). Noću i u slučaju smanjene vidljivosti saobraćajnu signalizaciju opremiti žutim trepćućim svjetlima;**

**3. Zabrana saobraćaja za motorna vozila u saobraćajnoj traci za desno skretanje iz ulice Zmaja od Bosne (smjer Ilidža - Bašćaršija), prema ulici Vrbanja u dužini od 10 metara, sa preusmjeravanjem saobraćaja na preostali dio slobodnog prometnog traka, uz obezbjeđenje sigurnosnog profila za neometano i sigurno odvijanje tramvajskog saobraćaja.**

**- Gore navedenu izmjenu režima realizirati od 15,00 sati 30.12.2016.godine do 03,00 sati 01.01.2017.godine.**

**- za uspostavu gore navedenog režima, organizator je dužan postaviti sljedeću saobraćajnu signalizaciju i opremu:**

**- u ulici Zmaja od Bosne na početku dionice za preusmjeravanje u traku za desno skretanje, prema ulici Vrbanja, postaviti sljedeću saobraćajnu signalizaciju i opremu dijagonalno usmjeren svjetlosni niz tabli “uspravne zabrane” (VIII-14 ili VIII-15), opremljene nizom žutih bljeskalica koje se naizmjenično pale i gase u smjeru vožnje, odnosno preusmjerenja saobraćaja u slobodne saobraćajne trake tzv. “putovanje svjetla” (VIII-24) i saobraćajni znak “obavezno obilaženje” (II-61 ili II-62). Noću i u slučaju smanjene vidljivosti saobraćajnu signalizaciju opremiti žutim trepćućim svjetlima.**

**II Privremena izmjena režima saobraćaja od 18,00 sati dana 31.12.2016.godine do 06,00 sati dana 01.01.2017.godine, sastoji se od:**

**1. Zabrane saobraćaja za motorna vozila u ulici Maršala Tita (na dijelu od raskrsnice sa ulicom Alipašina do raskrsnice sa ulicom Fra Andela Zvizdovića), ulici Zmaja od Bosne za smjer Bašćaršija - Ilidža (od raskrsnice sa ulicama Fra Andela Zvizdovića do raskrsnice sa ulicom Halida Kajtaza I transferzala) ulici Zmaja od Bosne za smjer Ilidža - Bašćaršija na dijelu (od spoja sa ulicom Hamdije Čemerlića do spoja sa ulicom Vrbanja), ulici Hiseta (od spoja sa ulicom Vrbanja do spoja sa ulicom Hamze Hume), ulici Vrbanja (od spoja sa ulicom Vilsonovo šetalište do spoja sa ulicom Hiseta), ulici Kotromanića i mostu Suade Dilberović i Olge Sučić.**

**2. Vrijeme potpune obustave saobraćaja u naznačenom terminu u ulici Kotromanića i na mostu Suade Dilberović i Olge Sučić, utvrđuju operativni organi Ministarstva unutrašnjih poslova Kantona Sarajevo u zavisnosti od situacije na terenu.**

**3. Gore navedena zabrana se ne odnosi na vozila iz člana 125. i 126. Zakona o osnovama sigurnosti prometa na cestama u Bosni i Hercegovini (“Sl. glasnik BiH” broj 6/06, 75/06, 44/07, 84/09, 48/10, 18/13).**

**4. Izmjenu režima saobraćaja organizator će provesti u saradnji sa nadležnim Ministarstvom unutrašnjih poslova Kantona Sarajevo.**

**5. Regulaciju toka saobraćaja na dijelu potpune obustave saobraćaja i raskrsnicama na kojima se saobraćaj usmjerava u alternativne pravce vršit će pripadnici MUP-a Kantona Sarajevo.**

**Nakon utvrđenog vremenskog termina odnosno stvaranja bezbjedih uslova za odvijanje saobraćaja, pripadnici MUP-a Kantona Sarajevo će nakon navedenog upostaviti režim saobraćaja.**

**- Alternativni pravci za vrijeme izmjene režima saobraćaja po smjerovima:**

**- Maršala Tita - Alipašina - Jukićeva - Zuke Džumhura - Braće Begić - Halida Kajtaza - Zmaja od Bosne;**

**- Hamze Hume - Kranjčevićeva - Halida Kajtaza - Zmaja od Bosne;**

**- Zmaja od Bosne - Hhamdije Čemerlića - Grbavička - Terezije - most “Skenderija” - Onala Kulina Bana;**

**- Radi obezbjeđenja funkcionalne bezbjedne obustave saobraćaja treba obezbjediti prisustvo redara - organizatora i policijskih službenika na sljedećim raskrsnicama:**

**- Maršala Tita - Hamze Hume - Alipašina;**

**- Maršala Tita - Fra Andela Zvizdovića - Vrbanja,**

**- Maršala Tita sa ulicama Vrazova, Đoke Mazalića, Turhanija, Magribija, Dolina, Valtera Perića, Kralja Tvrtka;**

**- Valtera Perića - Hamida Dizdara;**

**- Zmaja od Bosne - Franje Račkog;**

**- Zmaja od Bosne - Halida Kajtaza (I transferzala),**

**- Zmaja od Bosne - Franca Lehara.**

**6. Za vrijeme vrijeme važnosti ovog rješenja prijevoznik KJKP “GRAS” će prilagoditi odvijanje tramvajskog saobraćaja (u definisamom terminu tramvajski saobraćaj preusmjeriti na okretnicu Željeznička stanica) kao i ostalih vidova javnog gradskog prevoza, te izvršiti balgovremeno obavještavanje putnika o nastaloj promjeni putem sredstava javnog informisanja kao i postavljanja obavijesti na terminalima.**

**7. Radi obezbjeđenja funkcionalnog i bezbjednog odvijanja saobraćaja, potrebno je prisustvo nadležno sljužbe KJKP "GRAS", koja će vršiti izmjene režima saobraćaja svih vidova javnog gradskog prijevoza u skladu sa ovim rješenjem.**

**8. Istekom razloga za privremenu obustavu saobraćaja Ministarstvo unutrašnjih poslova Kantona Sarajevo će obeznediti normalan saobraćaj, a najkasnije do traženog termina.**

**Sarajevo, 30.12.2016.godine**

**Odjeljenje za odnose sa javnošću  
MUP-a Kantona Sarajevo**